

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- 1- सरकार इक देश इक चुनांऽ बिल गी व्यापक सोच-विचार लेई संयुक्त संसदीय कमेटी कश भेजने लेई राजी होई गई ऐ।
- 2- केंद्री गृह मंत्री अमित शाह होरें आखेआ ऐ जे दफा-370 हटने दे बाद जम्मू-कश्मीर च आतंकवाद च 92 प्रतिशत दी कमी आई ते तरक्की बाढ़े दी रफ्तार च मती तेजी आई ऐ।
- 3- उपराज्यपाल मनोज सिन्हा होरें आखेआ ऐ जे जम्मू-कश्मीर खेड्डें दे महत्वपूर्ण केंद्र दे रूपै च उभरियै सामने आया ऐ।
- 4 कठुआ च अगग लगगने दी इक घटना च इक्के परिवार दे 6 जनें दी मौत, 4 ज़ख्मीं।
- 5 समूलचे जम्मू-कश्मीर च ठंडू दा प्रकोप बरोबर जारी। जम्मू च जंदी रातीं दा घट्टोघट्ट तापमान 4 अशारिया 9 डिग्री सैल्यिस दर्ज कीता गेआ।

<><><><><><>

ONOE-IPC

सरकारै इक राष्ट्र इक चुनांऽ विधेयक पर व्यापक विचार-विमर्श आस्तै इसी संयुक्त संसदीय समिति गी भेजी दित्ता ऐ। गृह मंत्री अमित शाह होरें लोकसभा गी दस्सेआ जे प्रधानमंत्री नरेंद्र मोदी होरें सुझा दित्ता हा जे विधेयक संयुक्त संसदीय समिति गी भेजेआ जाना लोड़चदा ऐ तां जे एहदे उप्पर हर सतह पर व्यापक विचार-विमर्श होई सकै। शाह हुंदा एह बयान लोकसभा च कनूनद मंत्री अर्जुन राम मेघवाल हुंदा आसेआ 129मां

संविधान संशोधन विधेयक ते केंद्र शासित प्रदेश विधि संशोधन विधेयक पेश कीते जाने पर शोर शराबे बश्कार आया ऐ। लोकसभा च विधेयक पेश कीते जाने दे फौरन मगरा विपक्षी दलें एहदे उप्पर आपत्ति जाहिर कीती। संसद दे हेठले सदन च बिल गी पेश करदे होई उनें आखेआ जे सरकार ONOE गी JPC कश भेजने लेई तैयार ऐ। उनें विपक्ष दी आपत्ति गी राजनीति थ्वां प्रेरित दस्सेआ। उनें आखेआ जे दौनें विधेयकें दा मकसद मुख्य च लोकसभा ते विधानसभा दे चुनां किट्टे करोआना ऐ।

<><><><><><>

Amit-Shah

केंद्री गृह मंत्री अमित शाह होरें 2019 च जम्मू-कश्मीर थमां दफा 370 ते 35ए गी ढाए जाने दे बाद केंद्र शासित प्रदेश च आए दे सकारात्मक बदलावें गी उजागर कीता ऐ। कल राज्यसभा च भारतीय संविधान दे 75एं बरें दी सनैहरी ते शानदार जात्तरा पर कराई गेदी चर्चा च हिस्सा लैदे होई गृह मंत्री होरें आखेआ जे तदूं थमां जम्मू-कश्मीर च जन्नी बट्टे मारने दी इक बी घटना पेश नेई आई ते आतंकवादी गतिविधिं च बी 92 प्रतिशत कमी दर्ज कीती गेई ऐ। गृह मंत्री होरें आखेआ जे पिछले 5एं बरें दौरान जम्मू-कश्मीर च बड़ी तेजिया कन्नै विकास होआ करदा ऐ। चिना दरेआ पर दुनिया दा सब्बनें शा उच्चा रेलवे पुल बनियै तैयार ऐ, सैलसफा च बड़ा मता उछाल आया ऐ, कई दहाकें तगर अनदिकखी दे शकार गुज्जर-बकरवाल ते पहाड़ी समुदायें दे लोकें गी आरक्षण दा फैयदा थ्होआ ऐ ते 35 ज्हार पंचैत मिम्बर ग्रामीण खेत्तरें दे विकास लेई चुने गो।

<><><><><><>

LG-Sinha

उपराज्यपाल मनोज सिन्हा होरें कल जम्मू च प्रो. चमन लाल गुप्ता खेल रत्न सम्मान 2024 भेंट कीते। साबका केंद्री मंत्री प्रो. चमन लाल गुप्ता जिंदे नां पर एह सम्मान शुरू कीते गेदे न, जम्मू-कश्मीर दे लोकें दी भलाई बेहतरी लेई उंदे जोगदान गी चेत्ता करदे होई एल.जी होरें आखेआ जे अज्ज जम्मू-कश्मीर राष्ट्रीय ते

अंतरराष्ट्रीय सतह दे खेड्ड मकाबलें लेई इक शानदार केंद्र दे रूपै च उभरियै सामने आई गेदा ऐ ते रिकार्ड 53 लख नौजवान बक्ख-बक्ख सतहें पर खेड्ड मकाबलें च हिस्सा लेई चुके देन।

<><><><><><>

CM Hospital

मुख्यमंत्री उमर अब्दुल्ला होरें कल जम्मू दे अम्बफला स्थित स्वामी विवेकानंद मेडिकल मिशन चैरीटेबल अस्पतालै च एम.आर.आई ते सी.टी स्कैन दा उद्घाटन कीता। इस मौके मुख्यमंत्री होरें इस संस्थान दी समाज दी सेवा करने ते आम लोकं तगर डाक्टरी ते इलाज मोआलजे दियां म्यारी सेवां सखल्ले ते किफायती ढंगै नै पुजाने लेई बड़ी मती सराहना कीती। उनें आखेआ जे इक कमरे दी डिस्पेंसरी कब्रै शुरू कीता गेदा सेवा दा एह सिलसिला हुन इक शानदार सेहत संस्थान दी शक्ल इखतयार करी चुके दा ऐ। मुख्यमंत्री होरें संस्थान गी सरकार दी तरफा हर मुमकिन सहयोग दा भरोसा बी दोआया ते आखेआ मनुक्खता दी सेवा ईश्वर दी सेवा ऐ ते स्वामी विवेकानंद अस्पताल ते ट्रस्ट दा सेवाभाव सराहनेजोग ऐ।

<><><><><><>

Prashasan-Gaon Ramban

जिला प्रशासन रामबन आसेआ 19 दिसंबर थमां लेइयै 24 दिसंबर तगर मनाए जाने आहले सुशासन सप्ताह दे दरान 'प्रशासन गांव की ओर' नांऽ दा अभियान रम्भेआ जा'रदा ऐ। डिप्टी कमिशनर बसीर-उल-हक चौधरी हुंदी अगुवाई आहली इस पैहलकदमी दा मकसद प्रशासनिक सेवाएं ते कल्याणकारी योजनाएं गी सिधे भलेआं हेठली सतह तोहड़ी पुजाना ऐ। इस दरान लोकें दिएं समस्याएं दे नबेडे करोआने, पारदर्शिता गी बढ़ावा देने ते कल्याणकारी योजनाएं दी अमल-आवरी लेई लोकें तोहड़ी पुज्ज बनाने आहले आउटरीच कार्जक्रम ते शिविर लोआए जाडन। रामबन दे खड़ी इलाके च जिलस स्तर दे कार्जक्रम दा सरिस्ता कीता जाहगा।

<><><><><><>

Transport-Commissioner

ट्रान्सपोर्ट कमिशनर विशेष पाल महाजन होरें कल इक बैठक लाइयै मोटर गडिउएं सरबंधी मैहकमें दे दफतरें दे कम्मकाज दा जायजा लैता। जम्मू संभाग दे सब्बनें ए.आर.टीओ-एं, सामधाम एदे च हिस्सा लैता जिस्सले के कश्मीर संभाग दे आर.टी.ओ ते ए.आर.टी.ओ वर्चुअल ढंगै'नै एहदे च शामिल होए। ट्रान्सपोर्ट कमिशनर होरें अफसरें गी निर्देश दित्ता जे ओह मैहकमे दे कम्मकाज गी मता बेहतर बनाने दे कन्नोकन्नी गडिउएं दिएं नंबर प्लेटें कन्नै छेड़छाड़ करने आलें खलाफ अभियान शुरू करन।

<><><><><><>

Kathua-Fire

कठुआ जिले दे शिवा नगर इलाके च अगग लगने दी इक घटना च इक्के परोआर दे 6 सदस्यें दी दर्दनाक मौत होई गई ऐ। मरोने आहलें च इक सेवानिवृत डीएसपी, उंदी धीहू ते 4 होर बच्चे शामिल न। स्हाड़े कठुआ संवाददाता प्रदीप शर्मा मूजब शुरूआती जांच च अगगल लगने दी वजह शार्ट सर्किट दस्सी जा करदी ऐ। इनें सब्बनें दी मौत दी वजह धुआं ते दम घुटना ऐ। अगग रातीं 1 बजे लगगी जेदे मगरा मकामी लोकें बचाऽ अभियान चलाया ते 3 जनें गी उत्थुआं बचाइयै भर्थीं करोआया गेदा ऐ।

<><><><><><>

Water Supply

जल शक्ति मंत्री जावेद अहमद राणा होरें जल शक्ति मैहकमे दे अधिकारियें गी निर्देश दित्ता ऐ जे जम्मू शैहरा च पानी दी सप्लाई गी बवस्थित कीता जा ते मकामी विधायकें आसेआ पुट्टे जाने आहलें मुद्दें पर तुरत कार्रवाई जकीनी बनाई जा। कल जम्मू दे सिविलद सचिवालय च इक बैठक दी अध्यक्षता करदे होई मंत्री होरें जम्मू शैहरा च पानी दे म्यार सरबंधी मुद्दें दी समीक्षा कीती। बैठका च विधायक चौधरी विक्रम रंधावाते अरविंद गुप्ता ते मजूद किश सीनियर अफसरें शैहरा च पानी सप्लाई दी स्थिति च सुधार दी जरूरतै गी उजागर कीता।



KGPL-Army

देशी दी रक्षा दे कन्नोकन्नी ग्रामीण इलाके दे नौजवाने दे सशक्तिकरण गितै भारती फौज दी बचनबद्धता गी दर्शादी “कृष्णा घाडी प्रीमियर लीग क्रिकेट टूर्नामेंट” कल पुंछ जिले दे झल्लास ग्रांऽ च सम्पन्न होई। फौज दी 25 इंफेंटरी डिविजन दे जीओसी मेजर जनरल कोशक मुखर्जी इस मौके मुख परौहने हे। इस टूर्नामेंट बारे गल्ल करदे होई इक समाजी कार्जकर्ता प्रदीप खन्ना नै आखेआ।



Beti-Bachao Kathua

बच्चें दे विकास सरबन्धी प्रोजेक्ट दफ्तर हीरानगर आसेआ समाज कल्याण विभाग कठुआ दे सैहयोग कन्नै बेटी बचाओ बेटी पढाओ आहली पैहलकदमी दे तैहत लैंगिक बरोबरी गी बढ़ावा देने ते कुडिं गी सशक्त बनाने दे मकसद कन्नै जागरूकता कार्जक्रम दा सरिस्ता कीता गेआ। इस मौके पर रंगयुग थैटर समूह आसेआ नुक्कड़ नाटक बी खेडुआ गेआ। इस बारे बोलदे होई बच्चें दे विकास सरबन्धी प्रोजेक्ट अफसर प्रियालक्ष्मी होरें इस विशेश पैहलकदमी दे कन्ने पोषण अभियान दे महत्वे पर बी लोऽ पाई।



Nilakshi Udhampur

उधमपुर दी रौहनी आहली निलाक्षी शर्मा नै अपने इलाके थमां भारत तिब्बत सीमा पुलस आई.टी.बीपी च चुनी जाने आहली पैहली कुडी दे तौरा पर इक इतिहास कायम कीता ऐ। निलाक्षी दी एह उपलब्धि समूलचे जम्मू-कश्मीर दियें महिलाएं लेई इक प्रेरणा ऐ ते अपनी निष्ठा ते मेहनत कन्नै कामयाबी हासल करने ते महिला सशक्तिकरण दी इक टकोहदी मसाल बी।



National Eco Hakathon

दिल्ली दे N.D.M.C कन्वेंशन सेंटर च कल 17 दिसंबर गी आयोजित राश्ट्रीय इको हैकाथॉन च जम्मू-कश्मीर थमां गेदे विद्यार्थिं शानदार प्रदर्शन कीता ऐ जेड़ा स्कूली शिखा विभाग जम्मू-कश्मीर दी इक होर शानदार उपलब्धि ऐ। जम्मू-कश्मीर थमां 2 बच्चे पैहलदियां 2 थाह्रां हासिल कीतियां न। एहदे अलावा जम्मू-कश्मीर इस हैकाथॉन च योगदान देने आहले राज्यें ते केंद्र शासित प्रदेशें च अब्बल 5एं च बी शामिल ऐ।



Weather

जम्मू खित्ते च सीत लगातार बधदा जा करदा ऐ। मौसम विभाग नै औंदी 21 तरीक तगर मौसम खुशक रौहने दी पेशगोई कीती दी ऐ। तापमान च दर्ज कीती जा'रदी गिरावट करी औने आहले दिनें च बी इयै नेहू हालात बने दे रौहडन। जम्मू च कल रातीं दा घट्टोघट्ट तापमान 4.9 डिग्री सेल्यिस दर्ज कीता गेआ ऐ।

